

Atuarfik pillugu inatsisartut peqqussutaata allanngortinneqarneranik Inatsisartut peqqussutaat (Inatsisitigut tunngavigisat pillugit aalajangersakkat)

§ 1.

Atuarfik pillugu inatsisartut peqqussutaanni nr. 8-mi, 21. maj 2002-meersumi makku allanngortinneqarput:

1. § 9-p kingorna ilanngunneqassaaq:

"§ 9a. Meeqqat atuarfiata meeqqat inuusuttullu 20-t inorlugit ukiullit atuartut atuartuunngitsullu sunngiffimmi ilinniartitaanissamik neqeroorfigissavai.

Imm. 2. Meeqqat atuarfiata meeqqat inuusuttullu 20-t inorlugit ukiullit atuartut atuartuunngitsullu sunngiffimmi sammisassaqaqtitsinerni allani peqataanissamik neqeroorfigisinnaavai.

Imm. 3. Imm. 1 aamma 2 malillugit neqeroorutigineqartut, meeqqat atuarfiata atuartitsinerani nalinginnaasumi aammalu sunngiffimmi sammisassaqaqtitsineq pillugu peqqussutip iluani neqeroorutitut allanut ataqaqtiisarneqassapput.

Imm. 4. Naalakkersuisut sammisassat imm. 1-3-mi taaneqartut pillugit erseqqinnerusumik aalajangersaassapput."

2. § 18, *imm. 4*-mi oqaaseqatigiit pingajuattut ilanngunneqassaaq:

"Naalakkersuisut tamanna pillugu malittarisassiussapput."

§ 2.

Inatsisartut peqqussutaat 1. maj 2003-mi atuutilissaaq, taamaattoq takuuk imm. 2.

Imm. 2. § 1, nr. 1 1. juli 2002 aallarnerfigalugu atortuulersinneqarpoq 1. august 2003-p tungaanut atuutsinneqassalluni, tamatumalu kingorna aalajangersagaq atorunnaassaaq.

Namminersornerullutik Oqartussat, ulloq 15. april 2003

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut